

*Statws Golwg cyfnod mewn amser fel yr oedd ar 01/04/2022. Mae'r fersiwn hon o'r hwn (hon)
Atodlen yn cynnwys darpariaethau nad ydynt yn ddilys ar gyfer y pwynt mewn amser hwn.*

*Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf
Iechyd a Gofal Cymdeithasol (Ansawdd ac Ymgysylltu) (Cymru) 2020, ATODLEN 1. (See end of Document for details)*

ATODLEN 1

(a gyflwynir gan adran 12(2))

CORFF LLAIS Y DINESYDD AR GYFER IECHYD A GOFAL CYMDEITHASOL, CYMRU

RHAN 1

STATWS

Statws

- (1) Nid yw Corff Llais y Dinesydd i'w ystyried yn was nac yn asiant i'r Goron nac ychwaith i'w ystyried yn mwynhau unrhyw statws, imiwnedd na braint sydd gan y Goron.
- (2) Nid yw eiddo'r Corff i'w ystyried yn eiddo i'r Goron, nac yn eiddo a ddelir ar ei rhan.

Gwybodaeth Cychwyn

- I1** Atod. 1 para. 1 ddim mewn grym ar y Cydsyniad Brenhinol, gweler [a. 29\(2\)](#)
I2 Atod. 1 para. 1 mewn grym ar 1.4.2022 gan [O.S. 2022/208](#), [ergl. 3\(e\)](#)

RHAN 2

AELODAU

Aelodaeth

- (1) Aelodau Corff Llais y Dinesydd yw—
 - person a benodir gan Weinidogion Cymru yn aelod-gadeirydd iddo,
 - person a benodir gan Weinidogion Cymru yn ddirprwy i'r aelod-gadeirydd,
 - o leiaf 6 ond dim mwy nag 8 person arall a benodir gan Weinidogion Cymru,
 - ei brif weithredwr (gweler paragraff 9), ac
 - pan fo un neu ragor o undebau llafur wedi eu cydnabod gan y Corff, berson a benodir yn aelod cyswllt iddo (gweler paragraff 6).
- (2) Yn yr Atodlen hon, cyfeirir ar y cyd at yr aelodau a benodir gan Weinidogion Cymru fel "aelodau anweithredol"; ac mae unrhyw gyfeiriad yn yr Atodlen hon at arfer swyddogaeth gan yr aelodau anweithredol yn gyfeiriad at yr aelodau anweithredol yn arfer y swyddogaeth fel pwyllgor o'r Corff.

Gwybodaeth Cychwyn

- I3** Atod. 1 para. 2 ddim mewn grym ar y Cydsyniad Brenhinol, gweler [a. 29\(2\)](#)
I4 Atod. 1 para. 2 mewn grym ar 1.4.2022 gan [O.S. 2022/208](#), [ergl. 3\(e\)](#)

Anghymhwysio rhag penodiad fel aelod anweithredol

- 3 Caiff person ei anghymhwysio rhag cael ei benodi'n aelod anweithredol o Gorff Llais y Dinesydd, os yw'r person yn aelod o staff y Corff.

Statws Golwg cyfnod mewn amser fel yr oedd ar 01/04/2022. Mae'r fersiwn hon o'r hwn (hon)

Atodlen yn cynnwys darpariaethau nad ydynt yn ddilys ar gyfer y pwynt mewn amser hwn.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Iechyd a Gofal Cymdeithasol (Ansawdd ac Ymgysylltu) (Cymru) 2020, ATODLEN 1. (See end of Document for details)

Gwybodaeth Cychwyn

- I5** Atod. 1 para. 3 ddim mewn grym ar y Cydsyniad Brenhinol, gweler **a. 29(2)**
I6 Atod. 1 para. 3 mewn grym ar 1.4.2022 gan O.S. 2022/208, **ergl. 3(e)**

Telerau aelodaeth anweithredol

- 4 (1) Mae aelod anweithredol o Gorff Llais y Dinesydd yn dal swydd am unrhyw gyfnod, ac ar unrhyw delerau ac amodau, a bennir yn nhelerau'r penodiad, ond mae hyn yn ddarostyngedig i is-baragraffau (2) a (4) a pharagraff 5.
- (2) Ni chaiff cyfnod y swydd a bennir yn nhelerau penodiad aelod anweithredol fod yn hwy na 4 blynedd.
- (3) Caniateir i berson sydd wedi dal swydd fel aelod anweithredol gael ei ailbenodi'n aelod anweithredol unwaith yn unig (ac mae is-baragraff (2) yn gymwys mewn perthynas â'r penodiad).
- (4) Caiff aelod anweithredol ymddiswyddo drwy roi hysbysiad ysgrifenedig i Weinidogion Cymru.
- (5) Caiff Corff Llais y Dinesydd, gyda chymeradwyaeth Gweinidogion Cymru—
- talw tâl, treuliau a lwfansau i'w aelodau anweithredol;
 - talw pensiynau i bersonau sydd wedi bod yn aelodau anweithredol o'r Corff, neu mewn cysylltiad â phersonau o'r fath, a symiau am ddarparu pensiynau neu tuag at ddarparu pensiynau i bersonau sydd wedi bod yn aelodau anweithredol o'r Corff, neu mewn cysylltiad â phersonau o'r fath.

Gwybodaeth Cychwyn

- I7** Atod. 1 para. 4 ddim mewn grym ar y Cydsyniad Brenhinol, gweler **a. 29(2)**
I8 Atod. 1 para. 4 mewn grym ar 1.4.2022 gan O.S. 2022/208, **ergl. 3(e)**

Diswyddo aelodau anweithredol

- 5 (1) Caiff Gweinidogion Cymru drwy hysbysiad ysgrifenedig i aelod anweithredol o Gorff Llais y Dinesydd ddiswyddo'r person hwnnw os yw Gweinidogion Cymru wedi eu bodloni—
- bod y person yn anaddas i barhau'n aelod, neu
 - nad yw'r person yn gallu arfer swyddogaethau aelod neu ei fod yn anfodlon gwneud hynny.
- (2) Caiff Gweinidogion Cymru drwy hysbysiad ysgrifenedig i aelod anweithredol o'r Corff atal y person hwnnw dros dro o'i swydd os yw'n ymddangos iddynt y gall fod sail dros arfer y pŵer yn is-baragraff (1).
- (3) Mae person yn peidio â bod yn aelod anweithredol o'r Corff os daw'r person yn aelod o staff y Corff.

Gwybodaeth Cychwyn

- I9** Atod. 1 para. 5 ddim mewn grym ar y Cydsyniad Brenhinol, gweler **a. 29(2)**

Statws Golwg cyfnod mewn amser fel yr oedd ar 01/04/2022. Mae'r fersiwn hon o'r hwn (hon)

Atodlen yn cynnwys darpariaethau nad ydynt yn ddilys ar gyfer y pwynt mewn amser hwn.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Iechyd a Gofal Cymdeithasol (Ansawdd ac Ymgysylltu) (Cymru) 2020, ATODLEN 1. (See end of Document for details)

110 Atod. 1 para. 5 mewn grym ar 1.4.2022 gan O.S. 2022/208, ergl. 3(e)

VALID FROM 01/04/2023

Penodi'r aelod cyswllt

- 6 (1) Mae is-baragraff (2) yn gymwys pan—
- (a) bo un neu ragor o undebau llafur wedi eu cydnabod gan Gorff Llais y Dinesydd, a
 - (b) bo swydd yr aelod cyswllt yn wag.
- (2) Rhaid i'r aelodau anweithredol wahodd pob un o'r undebau llafur a gydnabyddir gan y Corff i enwebu ymgeisydd cymwys i'w benodi'n aelod cyswllt y Corff.
- (3) Rhaid i'r gwahoddiad bennu'r cyfnod y mae enwebiad i'w wneud ynddo.
- (4) Rhaid i'r aelodau anweithredol benodi person, o blith yr ymgeiswyr cymwys a enwebir yn ystod y cyfnod a bennir o dan is-baragraff (3), fel aelod cyswllt y Corff.
- (5) Nid yw person yn ymgeisydd cymwys i'w benodi'n aelod cyswllt y Corff, ond os yw'r person—
- (a) yn aelod o staff y Corff, a
 - (b) yn aelod o undeb llafur a gydnabyddir gan y Corff.
- (6) Yn y Rhan hon—
- mae i “cydnabod”, mewn perthynas ag undeb llafur, yr ystyr a roddir i “recognised” gan [Ddeddf yr Undebau Llafur a Chysylltiadau Llafur \(Cydgrynhoi\) 1992 \(p. 52\)](#);
 - mae i “undeb llafur” yr ystyr a roddir i “trade union” gan y Ddeddf honno.

Gwybodaeth Cychwyn

111 Atod. 1 para. 6 ddim mewn grym ar y Cydsyniad Brenhinol, gweler [a. 29\(2\)](#)

VALID FROM 01/04/2023

Telerau aelodaeth gyswllt etc.

- 7 (1) Nid yw aelod cyswllt o Gorff Llais y Dinesydd yn gymwys i bleidleisio mewn unrhyw drafodion gan y Corff.
- (2) Mae aelod cyswllt o'r Corff yn dal swydd am unrhyw gyfnod, ac ar unrhyw delerau ac amodau, a bennir gan yr aelodau anweithredol yn nhelerau'r penodiad, ond mae hyn yn ddarostyngedig i is-baragraffau (3) a (5) a pharagraff 8.
- (3) Ni chaiff cyfnod y swydd a bennir yn nhelerau penodiad aelod cyswllt fod yn hwy na 4 blynedd.

Statws Golwg cyfnod mewn amser fel yr oedd ar 01/04/2022. Mae'r fersiwn hon o'r hwn (hon)

Atodlen yn cynnwys darpariaethau nad ydynt yn ddilys ar gyfer y pwynt mewn amser hwn.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Iechyd a Gofal Cymdeithasol (Ansawdd ac Ymgysylltu) (Cymru) 2020, ATODLEN 1. (See end of Document for details)

- (4) Caniateir i berson sydd wedi dal swydd fel aelod cyswllt gael ei ailbenodi o dan baragraff 6 yn aelod cyswllt (ac mae is-baragraff (3) yn gymwys mewn perthynas â'r penodiad).
- (5) Caiff aelod cyswllt o'r Corff ymddiswyddo drwy roi hysbysiad ysgrifenedig i'r aelodau anweithredol.
- (6) Caiff Corff Llais y Dinesydd dalu treuliau i aelod cyswllt.

Gwybodaeth Cychwyn

I12 Atod. 1 para. 7 ddim mewn grym ar y Cydsyniad Brenhinol, gweler [a. 29\(2\)](#)

VALID FROM 01/04/2023

Anghymhwyso rhag penodiad fel aelod anweithredol

- 8 (1) Caiff yr aelodau anweithredol drwy hysbysiad ysgrifenedig i aelod cyswllt Corff Llais y Dinesydd ddiswyddo'r person hwnnw fel yr aelod cyswllt os ydynt wedi eu bodloni—
 - (a) bod y person yn anaddas i barhau'n aelod, neu
 - (b) nad yw'r person yn gallu arfer swyddogaethau aelod neu ei fod yn anfodlon gwneud hynny.
- (2) Caiff yr aelodau anweithredol drwy hysbysiad ysgrifenedig i aelod cyswllt y Corff atal y person hwnnw dros dro o'i swydd fel yr aelod cyswllt, os yw'n ymddangos iddynt y gall fod sail dros arfer y pŵer yn is-baragraff (1).
- (3) Mae aelod cyswllt yn peidio â dal swydd os yw'r aelod yn peidio â bod yn ymgeisydd cymwys i'w benodi'n aelod cyswllt (gweler paragraff 6(5)).

Gwybodaeth Cychwyn

I13 Atod. 1 para. 8 ddim mewn grym ar y Cydsyniad Brenhinol, gweler [a. 29\(2\)](#)

RHAN 3

STAFF

Prif weithredwr

- 9 (1) Rhaid i aelodau anweithredol Corff Llais y Dinesydd benodi person yn brif weithredwr iddo.
- (2) Penodir y prif weithredwr ar unrhyw delerau ac amodau (gan gynnwys telerau ac amodau o ran tâl, lwfansau a phensiwn) a bennir gan yr aelodau anweithredol yn nhelerau'r penodiad.

*Statws Golwg cyfnod mewn amser fel yr oedd ar 01/04/2022. Mae'r fersiwn hon o'r hwn (hon)
Atodlen yn cynnwys darpariaethau nad ydynt yn ddilys ar gyfer y pwynt mewn amser hwn.
Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf
Iechyd a Gofal Cymdeithasol (Ansawdd ac Ymgysylltu) (Cymru) 2020, ATODLEN 1. (See end of Document for details)*

- (3) Ni chaniateir gwneud penodiad o dan y paragraff hwn heb gymeradwyaeth Gweinidogion Cymru.

Gwybodaeth Cychwyn

- I14** Atod. 1 para. 9 ddim mewn grym ar y Cydsyniad Brenhinol, gweler **a. 29(2)**
I15 Atod. 1 para. 9 mewn grym ar 1.4.2022 gan O.S. 2022/208, **ergl. 3(e)**

Staff eraill

- 10 (1) Caiff Corff Llais y Dinesydd benodi aelodau eraill o staff, yn ogystal â phrif weithredwr.
- (2) Penodir aelod o staff o dan y paragraff hwn ar unrhyw delerau ac amodau (gan gynnwys telerau ac amodau o ran tâl, lwfansau a phensiwn) a bennir gan y Corff yn nhelerau'r penodiad.
- (3) Ni chaiff y Corff gytuno ar delerau ac amodau o ran tâl, lwfansau neu bensiwn heb gymeradwyaeth Gweinidogion Cymru.

Gwybodaeth Cychwyn

- I16** Atod. 1 para. 10 ddim mewn grym ar y Cydsyniad Brenhinol, gweler **a. 29(2)**
I17 Atod. 1 para. 10 mewn grym ar 1.4.2022 gan O.S. 2022/208, **ergl. 3(e)**

RHAN 4

SWYDDOGAETHAU ATEGOL ETC.

Pwyllgorau

- 11 (1) Caiff Corff Llais y Dinesydd sefydlu pwyllgorau ac is-bwyllgorau.
- (2) Caiff pwyllgor neu is-bwyllgor gynnwys personau nad ydynt yn aelodau o'r Corff neu fod â phersonau o'r fath yn unig.
- (3) Caiff y Corff dalu treuliau a lwfansau i unrhyw berson—
- (a) sy'n aelod o bwyllgor neu is-bwyllgor a sefydlir o dan y paragraff hwn, a
- (b) nad yw'n aelod o'r Corff, nac yn aelod o'i staff.

Gwybodaeth Cychwyn

- I18** Atod. 1 para. 11 ddim mewn grym ar y Cydsyniad Brenhinol, gweler **a. 29(2)**
I19 Atod. 1 para. 11 mewn grym ar 1.4.2022 gan O.S. 2022/208, **ergl. 3(e)**

Dirprwyo

- 12 (1) Caiff Corff Llais y Dinesydd drefnu i unrhyw un neu ragor o'i swyddogaethau gael eu harfer gan unrhyw un neu ragor—

Statws Golwg cyfnod mewn amser fel yr oedd ar 01/04/2022. Mae'r fersiwn hon o'r hwn (hon)

Atodlen yn cynnwys darpariaethau nad ydynt yn ddilys ar gyfer y pwynt mewn amser hwn.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Iechyd a Gofal Cymdeithasol (Ansawdd ac Ymgysylltu) (Cymru) 2020, ATODLEN 1. (See end of Document for details)

- (a) o'i bwyllgorau,
- (b) o'i is-bwyllgorau,
- (c) o'i aelodau, neu
- (d) o'i staff.

(2) Nid yw trefniant o dan is-baragraff (1) yn effeithio ar gyfrifoldeb y Corff am arfer swyddogaeth ddirprwyedig, nac ar ei allu i arfer swyddogaeth ddirprwyedig.

Gwybodaeth Cychwyn

I20 Atod. 1 para. 12 ddim mewn grym ar y Cydsyniad Brenhinol, gweler [a. 29\(2\)](#)

I21 Atod. 1 para. 12 mewn grym ar 1.4.2022 gan [O.S. 2022/208](#), [ergl. 3\(e\)](#)

Pwerau atodol

13 (1) Caiff Corff Llais y Dinesydd wneud unrhyw beth y bwriedir iddo hwyluso arfer ei swyddogaethau, neu sy'n ffafriol i'w harfer neu'n gysylltiedig â'u harfer.

(2) Ond nid yw is-baragraff (1) yn caniatáu i'r Corff fenthyca arian.

Gwybodaeth Cychwyn

I22 Atod. 1 para. 13 ddim mewn grym ar y Cydsyniad Brenhinol, gweler [a. 29\(2\)](#)

I23 Atod. 1 para. 13 mewn grym ar 1.4.2022 gan [O.S. 2022/208](#), [ergl. 3\(e\)](#)

RHAN 5

GWEITHDREFN ETC.

Gweithdrefn

14 (1) Rhaid i Gorff Llais y Dinesydd wneud rheolau i reoleiddio ei weithdrefn ei hun (gan gynnwys cworwm).

(2) Rhaid i'r Corff wneud rheolau i reoleiddio gweithdrefn ei bwyllgorau a'i is-bwyllgorau (gan gynnwys cworwm).

Gwybodaeth Cychwyn

I24 Atod. 1 para. 14 ddim mewn grym ar y Cydsyniad Brenhinol, gweler [a. 29\(2\)](#)

I25 Atod. 1 para. 14 mewn grym ar 1.4.2022 gan [O.S. 2022/208](#), [ergl. 3\(e\)](#)

Dilysrwydd trafodion a gweithredoedd

15 Nid yw'r materion a ganlyn yn effeithio ar ddilysrwydd trafodion a gweithredoedd Corff Llais y Dinesydd (nac ar ddilysrwydd trafodion a gweithredoedd ei bwyllgorau a'i is-bwyllgorau)—

- (a) unrhyw swydd wag ymhlith aelodaeth y Corff, neu
- (b) unrhyw ddiffyg o ran penodiad aelod.

Statws Golwg cyfnod mewn amser fel yr oedd ar 01/04/2022. Mae'r fersiwn hon o'r hwn (hon)

Atodlen yn cynnwys darpariaethau nad ydynt yn ddilys ar gyfer y pwynt mewn amser hwn.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Iechyd a Gofal Cymdeithasol (Ansawdd ac Ymgysylltu) (Cymru) 2020, ATODLEN 1. (See end of Document for details)

Gwybodaeth Cychwyn

I26 Atod. 1 para. 15 ddim mewn grym ar y Cydsyniad Brenhinol, gweler **a. 29(2)**

I27 Atod. 1 para. 15 mewn grym ar 1.4.2022 gan O.S. 2022/208, **ergl. 3(e)**

Sêl

- 16 (1) Caiff Corff Llais y Dinesydd fod â sêl.
- (2) Rhaid i'r weithred o osod y sêl gael ei dilysu drwy lofnod—
- unrhyw aelod o'r Corff, neu
 - unrhyw berson arall sydd wedi ei awdurdodi gan y Corff at y diben hwnnw.

Gwybodaeth Cychwyn

I28 Atod. 1 para. 16 ddim mewn grym ar y Cydsyniad Brenhinol, gweler **a. 29(2)**

I29 Atod. 1 para. 16 mewn grym ar 1.4.2022 gan O.S. 2022/208, **ergl. 3(e)**

Tystiolaeth

- 17 Mae dogfen yr honnir ei bod wedi ei gweithredu'n briodol o dan sêl Corff Llais y Dinesydd neu wedi ei llofnodi ar ei ran i'w derbyn yn dystiolaeth ac, oni phrofir i'r gwrthwyneb, i'w chymryd fel pe bai wedi ei gweithredu neu ei llofnodi felly.

Gwybodaeth Cychwyn

I30 Atod. 1 para. 17 ddim mewn grym ar y Cydsyniad Brenhinol, gweler **a. 29(2)**

I31 Atod. 1 para. 17 mewn grym ar 1.4.2022 gan O.S. 2022/208, **ergl. 3(e)**

RHAN 6

MATERION ARIANNOL

Cyllid

- 18 Caiff Gweinidogion Cymru wneud taliadau i Gorff Llais y Dinesydd o unrhyw symiau, ac ar unrhyw adegau, ac yn unol ag unrhyw amodau, y mae Gweinidogion Cymru yn meddwl eu bod yn briodol.

Gwybodaeth Cychwyn

I32 Atod. 1 para. 18 ddim mewn grym ar y Cydsyniad Brenhinol, gweler **a. 29(2)**

I33 Atod. 1 para. 18 mewn grym ar 1.4.2022 gan O.S. 2022/208, **ergl. 3(e)**

Swyddog cyfrifyddu

- 19 (1) Prif weithredwr Corff Llais y Dinesydd yw ei swyddog cyfrifyddu.

Statws Golwg cyfnod mewn amser fel yr oedd ar 01/04/2022. Mae'r fersiwn hon o'r hwn (hon)

Atodlen yn cynnwys darpariaethau nad ydynt yn ddilys ar gyfer y pwynt mewn amser hwn.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Iechyd a Gofal Cymdeithasol (Ansawdd ac Ymgysylltu) (Cymru) 2020, ATODLEN 1. (See end of Document for details)

- (2) Mae gan y swyddog cyfrifyddu, mewn perthynas â chyfrifon a chyllid y Corff, y cyfrifoldebau a bennir o bryd i'w gilydd gan Weinidogion Cymru.
- (3) Ymhlith y cyfrifoldebau y caniateir eu pennu mae—
 - (a) cyfrifoldebau mewn perthynas â llofnodi cyfrifon;
 - (b) cyfrifoldebau am briodoldeb a rheoleidd-dra cyllid y Corff;
 - (c) cyfrifoldebau am ddarbodaeth, effeithlonrwydd ac effeithiolrwydd o ran defnydd y Corff o'i adnoddau;
 - (d) cyfrifoldebau sy'n ddyledus i Weinidogion Cymru, Cynulliad Cenedlaethol Cymru neu ei Bwyllgor Cyfrifon Cyhoeddus.

Gwybodaeth Cychwyn

I34 Atod. 1 para. 19 ddim mewn grym ar y Cydsyniad Brenhinol, gweler [a. 29\(2\)](#)

I35 Atod. 1 para. 19 mewn grym ar 1.4.2022 gan [O.S. 2022/208](#), [ergl. 3\(e\)](#)

Cyfrifon

- 20 (1) Rhaid i Gorff Llais y Dinesydd, ar gyfer pob blwyddyn ariannol—
 - (a) cadw cyfrifon priodol a chofnodion priodol mewn perthynas â'r cyfrifon hynny, a
 - (b) llunio datganiad o gyfrifon.
- (2) Rhaid i bob datganiad o gyfrifon gydymffurfio ag unrhyw gyfarwyddydau a roddir gan Weinidogion Cymru o ran—
 - (a) yr wybodaeth sydd i'w chynnwys ynddo,
 - (b) y modd y mae'r wybodaeth i'w chyflwyno, ac
 - (c) y dulliau a'r egwyddorion y mae'r datganiad i'w lunio yn unol â hwy.
- (3) Heb fod yn hwyrach na 31 Awst ar ôl diwedd pob blwyddyn ariannol, rhaid i'r Corff gyflwyno ei ddatganiad o gyfrifon i—
 - (a) Gweinidogion Cymru, a
 - (b) Archwilydd Cyffredinol Cymru.

Gwybodaeth Cychwyn

I36 Atod. 1 para. 20 ddim mewn grym ar y Cydsyniad Brenhinol, gweler [a. 29\(2\)](#)

I37 Atod. 1 para. 20 mewn grym ar 1.4.2022 gan [O.S. 2022/208](#), [ergl. 3\(e\)](#)

Archwilio

- 21 (1) Mae'r paragraff hwn yn gymwys mewn perthynas â phob datganiad o gyfrifon a gyflwynir i Archwilydd Cyffredinol Cymru gan Gorff Llais y Dinesydd o dan baragraff 20(3)(b).
- (2) Rhaid i Archwilydd Cyffredinol Cymru archwilio'r datganiad o gyfrifon, ei ardstio ac adrodd arno.

Statws Golwg cyfnod mewn amser fel yr oedd ar 01/04/2022. Mae'r fersiwn hon o'r hwn (hon)

Atodlen yn cynnwys darpariaethau nad ydynt yn ddilys ar gyfer y pwynt mewn amser hwn.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Iechyd a Gofal Cymdeithasol (Ansawdd ac Ymgysylltu) (Cymru) 2020, ATODLEN 1. (See end of Document for details)

- (3) Rhaid i Archwilydd Cyffredinol Cymru, cyn diwedd y cyfnod o 4 mis sy'n dechrau â'r diwrnod pan gyflwynir y datganiad o gyfrifon ("y cyfnod o 4 mis"), osod gerbron Cynulliad Cenedlaethol Cymru—
 - (a) copi o'r datganiad ardystiedig a'r adroddiad, neu
 - (b) os nad yw'n rhesymol ymarferol cydymffurfio â pharagraff (a), ddatganiad i'r perwyl hwnnw, y mae rhaid iddo gynnwys rhesymau o ran pam mae hyn yn wir.
- (4) Pan fo Archwilydd Cyffredinol Cymru wedi gosod datganiad o dan is-baragraff (3) (b) mewn perthynas â datganiad o gyfrifon, rhaid i'r Archwilydd Cyffredinol osod copi o'r datganiad ardystiedig a'r adroddiad gerbron Cynulliad Cenedlaethol Cymru cyn gynted ag y bo'n rhesymol ymarferol ar ôl diwedd y cyfnod o 4 mis.
- (5) Wrth gydymffurfio ag is-baragraff (2) rhaid i Archwilydd Cyffredinol Cymru, yn benodol, archwilio a aed, ym marn yr Archwilydd Cyffredinol, i'r gwariant y mae'r cyfrifon yn ymwneud ag ef, yn gyfreithlon ac yn unol â'r awdurdod sy'n llywodraethu'r gwariant hwnnw, ac adrodd ar hynny.

Gwybodaeth Cychwyn

I38 Atod. 1 para. 21 ddim mewn grym ar y Cydsyniad Brenhinol, gweler [a. 29\(2\)](#)

I39 Atod. 1 para. 21 mewn grym ar 1.4.2022 gan O.S. 2022/208, [ergl. 3\(e\)](#)

RHAN 7

GOFYNION ADRODD ETC.

VALID FROM 01/10/2022

Cynllun blynyddol

- 22
- (1) Cyn dechrau pob blwyddyn ariannol, rhaid i Gorff Llais y Dinesydd gyhoeddi cynllun sy'n nodi sut y mae'n bwriadu arfer ei swyddogaethau yn ystod y flwyddyn.
 - (2) Rhaid i gynllun o dan y paragraff hwn gynnwys datganiad o amcanion a blaenoriaethau'r Corff am y flwyddyn.
 - (3) Cyn cyhoeddi cynllun o dan y paragraff hwn, rhaid i'r Corff ymgynghori ag unrhyw bersonau y mae'n ystyried eu bod yn briodol ynghylch ei amcanion a blaenoriaethau arfaethedig.

Gwybodaeth Cychwyn

I40 Atod. 1 para. 22 ddim mewn grym ar y Cydsyniad Brenhinol, gweler [a. 29\(2\)](#)

Statws Golwg cyfnod mewn amser fel yr oedd ar 01/04/2022. Mae'r fersiwn hon o'r hwn (hon)

Atodlen yn cynnwys darpariaethau nad ydynt yn ddilys ar gyfer y pwynt mewn amser hwn.

Newidiadau i ddeddfwriaeth: Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Iechyd a Gofal Cymdeithasol (Ansawdd ac Ymgysylltu) (Cymru) 2020, ATODLEN 1. (See end of Document for details)

Adroddiadau blynyddol

- 23 (1) Cyn gynted ag y bo'n ymarferol ar ôl diwedd pob blwyddyn ariannol, rhaid i Gorff Llais y Dinesydd gyhoeddi adroddiad (“adroddiad blynyddol”) ar arfer ei swyddogaethau yn ystod y flwyddyn.
- (2) Rhaid i'r Corff—
- (a) anfon copi o'i adroddiad blynyddol at Weinidogion Cymru;
 - (b) gosod copi o'i adroddiad blynyddol gerbron Cynulliad Cenedlaethol Cymru.

Gwybodaeth Cychwyn

I41 Atod. 1 para. 23 ddim mewn grym ar y Cydsyniad Brenhinol, gweler [a. 29\(2\)](#)

I42 [Atod. 1 para. 23](#) mewn grym ar 1.4.2022 gan [O.S. 2022/208](#), [ergl. 3\(e\)](#)

Darparu gwybodaeth i Weinidogion Cymru

- 24 Rhaid i Gorff Llais y Dinesydd ddarparu i Weinidogion Cymru unrhyw wybodaeth sy'n ymwneud ag arfer ei swyddogaethau sy'n ofynnol ganddynt o bryd i'w gilydd.

Gwybodaeth Cychwyn

I43 Atod. 1 para. 24 ddim mewn grym ar y Cydsyniad Brenhinol, gweler [a. 29\(2\)](#)

I44 [Atod. 1 para. 24](#) mewn grym ar 1.4.2022 gan [O.S. 2022/208](#), [ergl. 3\(e\)](#)

RHAN 8

DEHONGLI

Dehongli cyffredinol

- 25 Yn yr Atodlen hon—
- mae i “aelod anweithredol” yr ystyr a roddir gan baragraff 2(2);
 - ystyr “blwyddyn ariannol” yw'r cyfnod o 12 mis sy'n dod i ben â 31 Mawrth.

Gwybodaeth Cychwyn

I45 Atod. 1 para. 25 ddim mewn grym ar y Cydsyniad Brenhinol, gweler [a. 29\(2\)](#)

I46 [Atod. 1 para. 25](#) mewn grym ar 1.4.2022 gan [O.S. 2022/208](#), [ergl. 3\(e\)](#)

Statws

Golwg cyfnod mewn amser fel yr oedd ar 01/04/2022. Mae'r fersiwn hon o'r hwn (hon) Atodlen yn cynnwys darpariaethau nad ydynt yn ddilys ar gyfer y pwynt mewn amser hwn.

Newidiadau i ddeddfwriaeth:

Ar hyn o bryd nid oes unrhyw effeithiau heb eu gweithredu yn hysbys ar gyfer y Deddf Iechyd a Gofal Cymdeithasol (Ansawdd ac Ymgysylltu) (Cymru) 2020, ATODLEN 1.